



GIUSEPPE CABIZZOSU

BIBLIOTECA

www.giuseppcabizzosu.it

Antonio Pasquale Delogu (Ittiri XIX sec.)

Poesie scelte in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Antonio Pasquale Delogu

(Ittiri XIX sec.)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Antonio Pasquale

Delogu

(Ittiri XIX sec.)

Di Ittiri. Poeta improvvisatore analfabeta.

Gustosamente m'adatto

Gustosamente m'adatto
a sas pius opinionones;
si sos santos sunt ladrones
luego santu mi fatto.

Si sos santos de continu
pregana sero et menzanu,
et cun su rosariu in manu
mandigant a berveghinu,
et eo puru meschinu
fatto cussas orassiones.

Si sos santos sunt gasie
subitu mi fatto santu,
pro fagher aterettantu
lassade fagher a mie,
chi in cheja dogni die
baso totu sos mattones.

Si cun pedire devotu
sos santos faghent istragu
prite chi non cherent pagu
ca si che leana totu,
eo puru fatto votu
de ispozare persones.

Si sos santos in deunzu
de istare si cumpiaghent,
et bidu feminas faghent
dogn'uju cantu su punzu,
et eo puru a murrunzu
patto cussas tentassiones.

Si sos santos pro patire
cun disciplinas si ferint
et i sos ojos abberint
chirchend'ite remonire,
et eo puru sighire
cherzo cussas opinionones.

Si sunt sos santos pro fine,
santos comente los creo,
miraculos nde fatto eo
chi dent passare a machine,
et mustro chi m'incamine

a esser de sos santones.

Si sos santos sunt ladrones
luego santu mi fatto.

Mort'est sa mela piberi

Mort'est sa mela piberi
et bessida dai domo,
pius allegro so como
chi no heris et giantheri.

Mort'est sa pobidda mia,
bessid'est dai memoria,
Deus l'hapat in sa gloria
et beneditta li siat!
Beneigher puru dia
sa terra chi la coberit!

Et comente fatto, oddeu!
malaittu cussu morrer
pro chi timo chi non torret,
est su pensamentu meu
ca dende grassias a Deu
m'agatto como lezeri.

Morta est sa mia fada,
morta est su biancu nie,
morta est sa ch'ogni die
cheriat iscongiurada,
eallu ch'est accabbada
sa confusione d'heris.

Mort'est su serenu mare,
mort'est sa baja galante,
mort'est sa chi su bastante
mi nd'hat dadu a mastigare,
sa ch'ischiat rasigare
che resorza de arveri.

Morta est cudda chi brigàda
dogni die in sa carrera,
morta est sa coi lezera,
sa ch'a totu frastimàda,
mort'est sa bella ch'andàda
tota die feri feri.

Comente viviamus nois
guai a dogni cristianu!
Si a sero che a manzanu
S'intendiana sos ohis!
Gasi non bivedas bois

ch'a mie mi fit forzeri.

Mort'est sa mela piberi
et bessida dai domo.